

思文大紀

思文大紀卷三

十五日工于午門外以親征事祭告天地駕回升殿行常朝禮

十六日祭告太廟

十七日禡祭

命工部造大銀錢斧四把柄上龍頭柄末龍尾錢上龍脊口珠柄
畫金龍徑柄用五尺

十八日駕出洪山橋錢正先鋒鄭鴻遠副先鋒鄭彩登壇授錢
工部先期于洪山橋之陽搭一木臺高一丈方一丈三四圍木欄
工設上帝牌一位太祖牌一位工先御翼善冠至臺前百

官吉服行一拜三叩頭禮左右侍班武臣各戎裝侍衛先鋒吉服入就位行四拜禮畢趨出易戎衣上服武弁服陞臺先于神牌前行五拜禮畢上立于神牌位之西稍前南向鴻臚官贊授鉞御先鋒北面跪兵部官取鉞跪上命授鉞兵部官承旨立于御先鋒之東以授鉞御先鋒先鋒以鉞授執事者退立于西鴻臚官贊叩頭興上東向揖御先鋒賜錢光祿官及內官傳賜錢酒御先鋒跪受錢候上誠勞畢贊叩頭謝恩興趨立臺下之左以俟上親御甲冑于臺上號令出征將士御先鋒率諸將士跪听號令叩頭畢遂按部位建旌旗鳴金鼓揚兵

就道執戟官奉戟在御先鋒前行 上解甲胃仍御翼善冠袍
回鑒

按是日風雨晦冥哉不成禮太祖神牌吹倒御先鋒又有墜
馬之患識者知為不祥之兆云 天意難回矣

勅諭行在勲部等衙門同出征兵部侍郎吳震文戶部侍郎王觀
光既各有選用府州縣官催糧之責各准以原官同帶吏札之
徵兵更募戶部亦募兵俱各遵勅行事吳震交以出征兵部侍
郎帶管出征吏戶札三侍郎事張家玉以出征兵給事帶管出征吏戶札三科

事陳履貞亦改出征兵給事常出征吏戶禮三科事蓋軍中
事必便宜難以千里請旨出征吏部科銜者取其便于府縣無
官補官有貪必懲有廉必奉也出征戶部科銜者取其便為兩
敵到處催餉令兵不飢寒也出征兵部科銜者取其軍中令知
國法不許一切害民冒功等事也出征禮部科銜者取其若有
叛逃悞國之人具賴悔過立功贖死即許以實殺真寇實取陷
城即准便宜敘罪錄功併省直忠臣孝子義夫節婦俱得先行
旌表

復奏恤恩併遵有髮為順民無髮為難民之命勅也內閣即

以此^此意各給勅書四道與之

中宮懿旨命司礼監覓女厨十名務要選脩精潔婦女用價平買
不許勒騙上竟却之曰不可輕退失朕大信朕寧自苦以慰
民心

十九日遣平^夷侯鄭芝丘恭詣太廟宗廟行礼

按会典載皇后將謁宗廟致齋三日齋滿皇帝遣官用牲牢
行事告以皇后將祇見之意竝立后已五日矣

二十日皇后廟見内外執事者俱衣常衣脩行以内官人數不
多且皆不諳^大礼也

二十七日丙午大祀天于南郊

先是太常寺奏致齋進銅人上具皮弁服出禮傳制以日

大祀天地于南郊爾文武百官咸致齋三日太常寺光祿寺官

奏省牲祭分為一十四壇內丹墀四壇日一壇子東月一壇子西

東星一壇子西辰一壇子東五壇子五穀一壇子五鎮一壇子風雲

雷雨一壇子太歲一壇子歷代帝王一壇子西五壇子內海一壇子四瀆一

壇子山川一壇子後寢諸山一壇子天下神祇一壇子仍定分獻官一十

四員

嚴禁水口馭立膳夫名臥舍居民津貼

命閤臣宋繼祚竊現年監試考選推官臣趙最周之受等五員內

臣魯奇王進凱專供筆硯

上親臨軒策之

策題曰朕遊稽皇王之道深慨後世之君臣一自悍秦盡掃古
制世道人心為之遞降歷代之受患莫過於群臣朋黨之最大
於今兩京之慶二帝之傷皆此之故也前漢之黨之厚之弘石之劉成
谷杜以文飾欺及四十八万之頌致開新莽之妖黨害亦已甚
烈矣後漢之党起於細微清濁分鑒遂有桓靈之禍然後厨顧
及之標是非損益可得而論歟而漢之党同歟否也唐党始於憲

宗寃竟^牛李何別欽查河北賊更易于黨賊欽唐文宗之言是
欽非欽末流至南牙北牙各結強鎮以亡唐其可為龜鑑者可
得其概欽宋之分黨本于熙寧成于元祐極于哲徽之季然仁
宗年亦有朋黨論朋黨之紛紜何以其時稱~~治~~欽大明開元
黨肇于神廟之季東林魏黨門戶為黨交激遞變而有如此之
痛効矣朕今志在蕩平盡去諸黨之名惟在遠戾詭譎之條在
外正貪婪之罰益人主之心隱即人臣之黨符也迺日在廷似
能有不醒之迷欽啟水火之戰朕甚懼焉何道可底太平大公
令文武真和衷而共濟乎且魏璠^璠之狼貪橫惡是其本罪名之

以違甚不稱情乃其党亦快指東林而淺憤始于忿友終于怨
居一隅若後中興必此肺腸尽去之、道何繇標本以何為
治朕今亦曰去寇易去党難然党本去寇不驅也若矣不乎胸
中或說久著此其傾忠之日也其慷慨直陳以覓歡及寸卷之
際上帝臨汝矣脫生待下其恭承朕命焉

又賦詩一首云西風開天地山巔眺素雲外物何所有順此希
夷心出處一故我四海微冲襟嘯歌亦帝籟溪雨吹沍、空洞
千万古總如寸一具苦竹切、鹿豕銅石疎林我思將可見畫
易有同心秋日山居信筆

諭儲賢館欽選賢才之甄惟召對過然後該提督官具本請明
人准用此號入館不得濫用

下天興府通判周價祖手獄

准內閣撰勅書各一道禮部鑄關防各一顆與撫臣楊文聰父子

楊文聰文聰父恢復南京聯絡浙直部院關防楊文聰父曰恢復

南京整理浙兵督鎮關防楊文聰給與欽定官徵曰欽命恢復

勦清聯合直浙提督軍務兼理糧餉協同御營左右先鋒招討

勦鎮合濟中興兵部右侍郎部察院右僉都御史楊昌御銜曰

欽差恢復南京協理直浙軍餉太子太傅左軍部

督府左都督

時滿山伯黃斌卿途遇文聰慶賀登極章疏并繳鎮東伯方用
安總督朱大典東歸陽生負趙忠極各札与文聰者斌卿為上
之故有是命

勅諭文聰曰尔夙負英才博綜多藝朕在京口等相接对深所而
悉數月以來頓成奇愛朕在加興聞尔在蘇越于群心潰散
之時朕曾歎賞不負職盟靖江奉朕問關至閩監固登極力肩
危挽誓惟勤民堂祖焦勞晝夜不遑錢塘遇昂卿朕以故人之
子待之元勛鴻遠前後奏朕浙東賴尔先聲未萌之隱害復振

久泛之人心朕大悅崇業即飲不以兵部侍郎職理浙東尚卿
亦進宮徵令覽奏賀并詳叙吳越情形則不父子即朕之大耿
小耿矣雲台風虎各有其時文之相事豈有已乎其益懋厥績
協同勛輔先清東浙之塵繼掃臨安之寇朕上早見孝陵定許
破格酬報云

特恩迎駕功進各季生員康准貢增准康附准康

時功進有數十名亦有混奏冒名者左都署礼部事何楷奏請
大內當日所收表箋以憑驗明康增附來歷底酬忠抑觥于大
典為有光矣後又有以童生而入泮者

副總兵楊武烈守格元柝中等恢復新城獲從逆新虜兩偽令奉
旨各加職銜一級以見將士用命之効

命札部察議旌表閩縣永南里民女卽楚玉以未嫁室女殉夫足
勵薄裕南北進賢冠之叩獻奏冠者聞之當汗顏

准遼藩長陽王移入福州公館暫安宮眷其一切庫給道臣王
吳州臣徐丙晉酌議具奏因儲匱乏雖不能享亦不可缺

黃斌卿至福州上疏道王方困之狀賢能之斥故准移入
戶部侍郎李長慎奏其委署候邑封印不開竟往水車壩以
致百姓輸細糧餉無權可拱之中收不允竟生賄銀二百兩

命浙江道試監察御史林之蕃、聯緒、加恩、并、賚、勅諭二日、輔臣錢

士升、冢臣徐石麒、後亦不

監察御史吳春枝、糾劾、不、職、印武通判陳主謨、王古、西知縣吳士燿、

汀州知府王國冕、奉、首、各官、賍私、可恨、皆、抄、下虎狼也、若

不、受懲、民生、何賴、都、革、了職、談、撫、連、解、來、京、究、問、追、贖、充、餉、

令兵部主事徐州彥、頒、詔、于、四、川、

州、及、重、慶、人、初、為、光、澤、令、以、墨、聲、下、獄、登、極、有、罪、授、以、駕、部、職、

徵、捧、詔、于、從、

贈四川栢戶陳士奇、兵部左侍郎、隆、一、子、入、監、讀、書、

士奇漳浦人字季奇號平人富于文苑言論侃々天啓乙丑成
進士當成都破時士奇已交代出居猶罵賊不屈身被百鈔磔
死塔前與蜀王同日被難足覩其平日之所季云或有尤其雅
好講述疎于軍旅者

連寧府浦城縣四區三十二里百姓保苗本縣知縣鄭為虹加監
祭御史徵文任以造福浦民有十不可去浦之路上命吏部察
議後以御史巡仙霞關

詔授晉江縣季生貢獲缺為翰林院待詔懇辭不受
勅行在吏部方今中興事重政務繁多惟日輔臣黃景暉受簡奉

敏慎弘亮才堪救時曰輔臣馬弘圖直道壯節望重具瞻即著
吏部補本起用仍著中書令人陳翔遠告前去晉江致聘二輔
臣表

命太僕寺少卿監察御史林蘭友巡按江西兼貢勅諭往江西聯
絡倡義之師并詹事司同外兵部右侍郎勅書閣校復諭之曰
爾此行著顯破情面明賢擔當東展忠誠令人指曰如此行事
方是中興之聰焉如此激揚方是天子之法臣爾是朕親簡之
人爾之不若即朕不明爾之有為亦朕善用江民憔悴於貪政
久矣切以朕先教後刑先請後答八字行之又八字曰小貪

必拔大舍必疑其能代朕行此十六字始不負人君耳目之寄
根心而行休說議論至論切論想着記著

勅諭內閣陳燕翼既改翰苑朕自監國登極兩月政令全無紀載
後世何做即著燕翼專理中興史職准同協理史事刊以修翰
直和衷堂與開机務以便編摩即日傳行入直又賦詩一絕云
上帝文章在日新玉堂秋粉啟詞臣直流千載乾坤從方見儒
天自有真其篤好斯文出于天性如此

吏部左侍郎王志道進本朝定錄

發銀牌一面令吏科都給事中陳燕翼頒與本科添設給事中掌

印朱作楫旌其直言

以何九雲為翰林院編修

九雲字曼棟晉江人癸未進士庶吉士大司空喬遠天文行俱優王兆熊劾其從逆家臣曾櫻疏荐之有旨云九雲名家子弟有品有素兩京日期甚阻何得一緊牽詆即著滿洗寬情連令前來供職纂修戚廟實錄不得再有托陳不許人言再為誣讒

王定馬士英為罪輔不可為逆輔

左

時士英欲入閣有為袒贊成者廷議依違禮部尚書黃錦以為言故定其罪為逆

按太常寺卿曹季徐著有罪、執不可入、聞公損曲、尽其議、故尔中止、只許其圖功自贖、

上游巡撫吳開禮、輯獲奸細一名、同元章解京正法、勅守關將士、毋得盤詰、失時、致生奸宄、

給各守關兵十一月餉、

勅上下游巡撫、選練精兵四千、以備親征用、視兵精曉、為該撫功過、錢糧、即於所屬調用、不得套視、

召對閤疎八十五歲老人周良屏于便殿、訪地方利病、稱旨、以考選推官周之變、為翰林院編修、

御批對策云之變此作必竟是无作家多織兩到乞堪詞林之選

以太常寺卿曾季倫為礼部右侍郎署翰林院事特勅纂修歲時
實錄因史總裁專設蘭臺館以處之

吏部主事王兆熊至奉天義士林化熙張綸黃弘光姚毓榮春
暉張伯彦姚毓震解濟郭和良陳鴻謨等往富室大家倡義功
輸上以因用不足從之并請十人當徐王兆熊為用真誠起事
清品先失慎失公不得一毫錯會功成日從便議叙

贈原四川巡撫都御史邵捷春兵部左侍郎予祭二壇減半造葬

捷春
公字聲復號劍津侯官人方曆己未進士官吏部員外郎清通

簡要有族之者出恭四川行省有功干蜀再起四川副使時軍
寇張獻忠作亂省城謀內應公竊獲奸細衆人保全閩省
蜀王疏存之遂起轉巡撫真有鎖鑰北門非準不可者連與同
年督輔楊嗣昌議論不合需索兵餉不遺餘力公答曰吾兵吾
餉僅足辦蜀不堪遠迎遂失嗣昌意值二邑失事嗣昌特疏糾
之從騎入蜀、民泣擁不與聞讀者一月餘復率百餘人伏闕
蜀王公疏捷之公曰諭百姓宜有命王而可以秘意請者不筆
為此吾罪愈大矣乃與從騎謀約私遁至半路始得聞讀就逮

從騎亦憐其冤抵京下獄遂飲藥卒長子明俊上疏鳴憤遂有
是其命明俊因而取鈎銀三千兩上錫以金扁曰義冠關臣復
拜官武選郎云諭吏部曰公道天地之元氣無時不流注於兩間
惟在朝廷則治在草野則亂好惡合則安是非分則危朕覽印捷
春撫蜀群情號呼事取為之怡然雖近來錦說紛紜究竟真假
難昧朕今運啟中興惟在大明公道奏內捐助三千并求雪父
冤雖孝子之用心豈古今之通義印捷春若情真罪當則雖百
萬赤金豈可翻案一字若是蒙冤則朕為天地神人之主前後
百世之公道亦朕分所當明況近事乎况明臣乎云

加陞吏科都給事中陳燕翼一級以為直言者勅

時燕翼因賜旌直銀牌于朱作楫遂陳十事上答之云所奏十
事固人心無不洞悉真中興第一名疏也朕錄一通置之座右
朝夕省覽朕躬的朕自省案閣文式各衙門的著定奉行
陳燕翼言不諱者加陞一級以勸直言云

疏曰臣以崇禎甲戌進士筮仕廣東程鄉縣六年行取苦乏資
斧不得抵京不得已乃乞丐于一二同事故人遊巡後至遂得
初次考期壬午十一月清簿都門始獲先帝烈皇帝召對於
德政殿寒月霜夜燈燭熒煌這遇先帝偉身案外視臣者再

問臣者二果脯各酸棒出內東至今念言五情空熱然猶為
力所^托僅循次補臣工極時周延儒禍政旁列恩倖咸出其門
臣嫉其所為自春徂冬不肯投刺一謁其面入垣即極言其賈
官鬻爵并竊廢虧督陰脫門生范志完獲其入四之罪同列咋
舌聞訪閣臣先帝日置臣次疏袖中徑不發果其念臣至此
其得不与熊開元杖者開元言頸而臣言隱耳然終以建言決
汴不應叙功力駁臺臣黃澍之疏果擬處分計臣亦時在垣不
滿五小然臣難請而先帝執手臣疏日朕延儒亦時聞臣吳姓
尋蒙臣鄭三俊惠臣列宗同等成是臣議或有謂其慷慨陳言至

南渡錄崇禎十七
年七月辛卯補原
任工科陳繼賢原
官繼賢先帝時
以勅黃澍冒功
誅

據忠憤者或有謂其真孤鳳鳴勝讀出師表者臣奉使抵家
塞胸直氣道路榮之無何里中縉紳之禍起通國縮服臣以諫
垣餘貳折衷直言幾遭摠摠今顧瞻里中尚不免談虎色變是
臣之直言所不敢行于臣里者一也臣以癸未仲冬抵里甲申
之後天地反覆豈意自今無何南中疊省祁彪佳李治等交章
荐臣荷

聖安皇帝起臣原官賜臣環子七月入朝于十一月先後局面
判若隔世遙想當年論澍偶出一時意氣豈復意澍復有借
題翻身回心反正抗阻王命一事前後公案各分兩重聞今

歲奉兵東下過師池陽撻索日銓荆三俊不遺餘公蓋三俊亦
堂劾溺者現其撻索三俊計必不肯息忘臣言官論人自其職掌
宜意當年殿上之爭遂貽後來舟中之歎親識家族相持為
戒是臣之直言所不敢行于朝廷者二也陛下龍飛海甸
每事留意臣科凡奉該科記著并會覈議之旨者屢矣臣雖
頑鈍人非木石寧不感奮然其所連者率強半臣里中人宦情
如火煤進如飮片言彈駁即恨深寇擊者也從執憶貴捧之從
陛下欲費用一人臣總憑却議半字未加逆來蒙恩得意之後
遽修前却批臣殿廷裂帛賴批頌臣於此奏未著片字猶橫

通侮辱若此若真言之禍豈旋踵是臣之直氣所不敢行於朝
廷者三也然雖如是臣竊現 陛下兩月來用人行政臣未嘗
頃刻不憂心及之出王游衍未嘗一刻不在 陛下左右而真
効忠于一也臣猶憶宋臣種師之告其君曰陛下求治太急
听言太廣用人太驟臣少李于蘇氏師其忠鯁竊不揣亦以此
言進 陛下精神意量可以囊括海內李問文章可以灌注百
玉机权驱駕可以羅絡高光所願少進者重之一字耳中庸曰
王天下有三重焉其審過矣乎論語曰君子不重則不威李則
不同老氏亦言重為輕根靜為躁君 子終日行不離輜重雖

有宗視燕慶超然周易曰君不密則失臣、不密則失身仇事
不密則害或君子知微知彰知未知剛万夫之望凡若是者言
皆不貴示人以太尽而使邪佞輩為可測也 陛下撫有六合
权借閭中為漢中平晉天推戴急主悉臣何分厚薄何論遠近
先後凡為人臣片、道此者為梯策計耳君子薄之臣竊意此
後凡擁戴與同盟等字面雖 陛下厚恩不忘故人私語然規
格已狹且近文士習氣不宜數出 帝王口中是臣直言所欲
勸忠者一也定清熱信一見決策奉駕來闕使明朝再造海國
莫安不受兵革功在社稷伊誰之加然尚餘後來一步為恢復

其微是臣之直言
所欲勸忠者三也
古之帝王或起徒
年或起中葉然其
初政大端率不過
於一二言行一二
事用一二人傳之中
外而天下已服矣
源源來歸終繹
踵至不在多也今
陛下新政美不勝書

復仇之奏始覺竿頭更進圓滿無憾今日報功似當稍留餘地
微需持盈保泰之意使延世勲臣有百年億世之量而後氣局
悠長可與帝后同久是臣之直言所欲勸忠者二也 祖宗用
人從來銓部反覺無私一人之身修用倏忽倏重倏輕莫可憑
信夫人之材賢生下已定非有裨^背藉旁側可任人耶移塗改之
理今一官每^每填或至數易其為人擇官抑真如不得已使營
進者咸懷躁心而掄材者轉無持操選近覲^仰所^仰聖意直
欲三五盛王數百年中所不及措手大業而數月了之其持統^統
規局真可謂目空今古然時會機緣緩急先後詎能一、應手

如一事未當多益為累是臣之直言所欲初忠者四也在昔光武起事南陽肅宗即位武慮皆于草莽中立國惟是君臣上下傳搏心哉志專意治兵度于他務亦皆不暇旁及今漫漶數時若似皆以陞官祿務耗其專營而于用兵吃緊時日又坐無事友中東匪頌物亦為成汰是臣之直言所欲初忠者五也先帝勵精十七年值異寇交訌中外多故屬望遠臣鮮有當意者于是不得已而旁求之保泰撫綏特用副榜等科明經選奉歲半天下欽授破格差擬同初而究竟邊腹行間賜餼重錢俄頃驟貴之徒近未有半人隻士出乎井井傑如古班趙陳湯等

紫綢空絕域卷尾 明詔者而反以^若心輕信之逆為人所用
方面大耳美髯量下者即為將材舌滑唇油走空如驀者即為
邊材金僧類列康賈無^異笑言之痛心 陛下試現從古皇、汲、
乞官營進之中豈有真品南陽高臥惟恐人知東山捉鼻相戒
不免尚能勉強一出差有所立今流品混淆攪同油麴辨析窮
所如鏐空影無已亦惟擇精良無偽踏實硬做者假以歲外寬
以文網庶幾積久自見成功其紙上鋪張口中夸大者悉不可
听是臣之直言所欲劾忠者六也吏道以貪廉為歸臣即以順
逆為案計典問難私怨是矣而 祖宗深意豈因以一二惡許

食翻北案或傳疑似而先帝精爽決不忍以賊孽重污聖

化近日南都馬士英阮大猷陳監張孫振列應宿業借四鎮以

抵制朝廷翻冬計典用尽從逆者而因隨之當時臣具有與

政自可為人心不容壞尽一疏醜詆已甚而若輩掩耳盜鈴不

恤也已事無反可為哽噎若是者非款陛下誅既法但欲慎

將來耳不然是乾坤之兩番改易倒置而故為群詣不逞者然

灰起用之地也無怪乎有識者痛恨謂南北兩陷皆諸奸黨怨望

失職利其深入以為自己出頭伸眉之日非通論也是臣之直

言所款効忠者也自五月逆寇渡江以來雖所在蹂躪而直

浙江右哥處士神百姓亦皆各有義氣憤發破產募兵奔勦差
足振醒群情倡激忠義而聞之以乘與所在自二勦二伯閣却先
聲之外別無一旅足以佐發中軍一縑一顆動皆仰給 朝廷
簡髮而櫛數米而炊留一戍成市道夫江右之身兩越壁之人
身則亦行在京師之兩臂也一臂痿痺則置之而若閭閻一臂
靈活則用之而惟恐不欲万一右臂不仁左臂其能起乎且安
知無天功可食而徘徊覓望于一試者臣竊以今日團練御兵
一著在、即賊所宜專責一人者寔奉行而王將與近京城鄉
尤宜全力飭治以掃官兵不及凡所在街巷村落責令公奉一

頭目人自連結布澤如悍怒數居先聲可奪奸甥不然徒貪
目前官澤近使之可樂御居室家三窟之可志而先後康熾究
竟同覓溪掠焚屠避还不免此在眉睫願諸臣不察耳先臣董
應奉有云殺運將至人心先患惟大聖人起而救之是臣之直
言所欲効忠者八也桐江一絲繫漢九鼎計其初時高風未播
亦不過富春一釣徒耳試之以事安知不與樊吳殷浩同哉凡惟
爾時漢祖容之列諸外臣使之兩睨千仞以陰助王化夫以帝
王之於屈官一故人何啻雀之遺卵而孰知東漢之所得者為
已多乎方今簪籍白下所在城亦乞墻登城扶拜門牆苟負人

後粗識句讀或能僣倩代筆上疏者咸思擢授做官一隅哉何
堪此橫逼即如中書舍人唐制以為宰相宣麻先兆何等貴重
而今若販夫傭豎皆得隨意濫叨諸如此類不可枚舉不來南
京有都督量成斗職方地下走之誣可為痛戒天棚時之內豈
有鸞鳳螭志之旁安挾日月士人惟負此一具氣管頂立天地
若其平居不能自勝于利祿富貴又何怪其一遇賊寇靡然屈
膝目今開國之初承兩朝末流廉耻頓喪之後似宜首以濯
磨士大夫氣骨為後仇先務不然未有不能有耻而能不辱者
是臣之直言所歎切忠者凡也我₁₂朝立法所繇遠過漢唐度

越前世者其最人美如尊礼孔孟一事使人像帖括之陋以親
見聖賢階制科之榮以荷擔李脉所以²列聖朝真儒輩出如
河東崇仁餘干新会姚江泰州²江吉水²諸賢問出于時鼓吹
休明揚²托聖化故其一時門牆派²源泉流²末²浩人皆恍然知心
性之所自来名教之必可樂其服官居鄉一切不苟而超然能
自勝於塵垢之外士處窮達各成今²鎮神祖中葉以後李脉
浸微然²若曉²缺²辰²星²杳²然²未²散²自²親²忠²賢²焚²棄²書²院²之²後²賢
士大夫相戒不談而斯然以滿首利²歟²為²安²心²立²命²之²典²其²高
者乃以氣魄聞見望慧²得²毒²當²之²然²施²之²經²濟²世²道²人²心²遠²不

相中臣留現以陛下洞達昭融毫無粉飾滯泊確苦安若曾士
宜有得于光明緝熙之夢誠千古道李宗主計因此時會所急
、出一劑療之以臣久聞人間機械沉溺蔽銅已深一旦驟與
之澄顏思之傳格、難入第一于孟子浩然曾子及身處指其
入路而揚之以一誠庶有救正昔劉貴世之于司馬張几成致
于孝宗惟此一字朱熹亦云吾平生所奏惟正心誠意四字豈
隱然不以告君後世迂之然當時張德遠筆定用四字不著嘆
乎今日君臣上下皆能克去己私實、恰此四字而有不能誠
賊破逆者臣不信也是臣之直言所欲勸忠者十也凡此十事

皆臣懷之兩月未積誠欲獻使以日不暇給憤鬱至今茲因
陛下旌直之卒內媿不安集而上之然視臣同官朱作揖三年
硬切臣又覺泛而無當矣臣之直媿不如作揖直即當賞以臣
官而臣當拜疏諫賢之餘又復蒙恩改臣翰林臣復何官可
讓則亦惟有內媿而已伏惟陛下赦而原之併赦臣字數踰
格冗長之罪臣不勝云

十二月初六日御駕親征

上自我服登舟百官鱗集拜令戾明泊等江對面沙洲者五晨
久宮眷咸在復命行在工部造御營大明門一座千門一座奉

天門一座兩邊通著黃繩為約欄奉天門外細樂一起午門外
單大樂一起大明門外漢大樂一起早晨大鼓一下御營管事
牌子跪請御令箭一枝先開奉天門用大鼓一支奏細樂一次
又打一下响大鼓二下御前管事又跪請令箭一枝開午朝門
又打一下响大鼓三下御前管事跪請令箭開大明門大鼓三
下御前管事又跪請令箭開午朝門用大鼓一支奏細樂一次
前後用鑼漢鼓樂吹打四片高傳門外錦衣衛官較齊戒門始
開馬

以平人役期是龍掌宗人府印務

南平縣小民張安礼林中柱張孝直數百里躬進米豆酒漿遠迎

王師上嘉納之命御營兵部將前後米酒分散諸將且給与序
班冠帶仍賜錦為忠良度士各賞銀牌一面以旌義率

時古田縣一都水口小民亦有輸取賞以銀牌

帝手勅鳳陽知府張以謙朕今正位福京志雪祖叔民八月十八

日兵發五路十二月初六日朕駕親征趙貴

乃河南兵路副使
印趙是官人官書

至京知尔在鳳感念時音賜尔手諭以跡毀形

尔當速勝吳傑

助朕中興監國登極親征三詔尔其善為宣布不負朝廷朕親
謁皇陵是不見朕不忘之日也特諭

以河南分巡汝南兵備副使邵起為總理豫楚直隸晉齊六省提

督軍務兼理糧餉使臣順使且行事賜尚方釵兼巡撫河南

兵部右侍郎都察院右僉都御史

時即起遣官入賀推戴故有此命凡有恢復府縣地即准即起
擇才授任務安百姓云

十五日勅恤民庫及御營禮部凡遇親王迎駕各發銀六十兩仲

朕慰安親之意著為例

時更會王肅泉迎駕著受慰安銀二十兩以親征事元免罰

命周煥新貴親征駕行詔四道往溫台寧贛西慶開讀并順責于

勅一遵与輔臣尚鳴俊

勅曰皇帝手勅輔臣黃鳴俊自卿辭朝朕切勞勞出聞之信乃
聞今日尚滯福寧殊可異也況卿不_由辭而從溫廷議不然侍
卿甚重何遲遲如此朕今親征行矣朕若至建寧卿必至衢以
朕若出聞卿必至江上不然公議無私甚_可畏也親征駕行詔
併諭魯王書併示于卿其善宣朕意焉餘與周端新叙之特諭
立春日勅文武官員吉服必會典內出使禮行以時值行間不必
賀也

遣侍講吳載鰲鴻臚寺卿楊廷璠致祭于天吳府古田縣水口地
亦并延建二府山川之神

初御營兵部連与平^夷侯說造廬甲一万副運至御營以為破^虜
用刻不可緩

二十四日輔臣黃道鳳兵至婺源為清所陷并門徒主事趙士超
中書毛玄水蔡薛時培賴^科儒四人傳送南京時輔臣朱領朝
廷帑金苦心聯絡激功忠義糾合義旅幾千餘人從廣信而出
金衢安撫道黎旅成捍禦前後擒斬為官勅以百計且救廠援
衛厥有武功適衛撫某与輔臣議論不決忌其師屯境上遂
密疏其短于朝廷輔臣初不覺也繼而請兵不至請餉不至
始知其詐乃与士超說曰朝廷遣鄭兵各路七月于茲矣未見

與敵一矢相如遂數步愈絕不覺笑到這無人取我輩為天下
倚重必先死一本為諸路倡遂決意長驅深入婺源谷中遇清
騎數千輔臣親冒矢石誓不與清俱生清亦為少却然後求我
寨後軍覘望不進兵尽矢安輔臣陷園中士趙知勢不利率玄
水哥定圍而入其部卒功其刃俱死無益士趙答曰我受國
家厚恩豈有背吾師不救而併候國耶并陷園中士趙等知勢
不得止乃罵不絕口後曰我奉命擒汝不料為汝所擒快殺我
得很朝廷於地下足矣清見輔臣忠烈不忍加害曰當生致于
南京洪內院得一忠義人勝于得土地數十州郡也時輔臣欲

盡節士。起從旁。此曰北去南京不遠。尚得面數洪承疇。老賊悞
國之罪。魂魄得傍孝陵死。亦未晚。輔臣深以為然。遂屈卽而行。
作詩四首云。陋巷愁顏問。行等負管蕭。風雲生造次。毛羽定飄
搖。層^火難栖燕。橫江捨渡橋。可憐委佩者。要一坐花朝。其二。火
樹難開眼。冰城倦著身。丈夫千古事。失路一時人。碧血題香單。
白頭還隱綸。更無遺憾處。煤髮為君親。其三。搏虎仍之野。投豺
又出關。席心如可卷。鵲髮久當刪。怨子不知怨。閒人安得閒。乾
坤猶半壁。未忍蹈文山。其四。諸子收吾骨。青天知我心。為誰分
板蕩。不忍共浮沉。鵲怨空山淺。雞鳴終夜陰。南陽江路遠。悵作

卧龍吟具忠愛之意情見乎詞

思文太紀卷四

隆武二年正月朔旦唐節二王監國于福京率居守百官行拜賀

禮

上不受賀具奏

太祖自討群臣俱令戴罪圖功仍降旨勅諭於群臣云初二日
官兵義兵爭糧縣官掣肘永勝伯鄭家疏陳之上命會同該督
撫計兵派餉毋致行間之擾其捐助事區地方官始例勸輸不
得強民

又命陞清源賈柄嘗銀往江上酌量頒發現在戰守兵丁剋期迎

駕過處寺餉所遵派吏前議

勅諭御營內閣傳行朕見徽州已獲之振稍為可慰又建昌蔡信
之奏原援宜速用姓成功速發銳兵二千同輔臣光泰文武齊
心先發皆往鉛山一為期東戶獲一侯王師併至合力建功朕
心切拜孝陵更念咸宗天舜江北祖陵未靖南陽王陵統攝朕
之根本未全何顏君臨天下昨據是督何騰蛟有荊州救援之
振則河南虜氣可迹燕豫諸陵可速非遣重臣兵朕懷美慰沈撫
安新降兵將更與督撫相成輔臣覓生擁戴甚早忠猷可加即
着出南贛地方節番之行特賜定銜曰欽命瞻奉南北帝王山

陟安軍燕懷兵民文武賜上方劍便宜行事調度且閬川廣懷
復江浙南京行在文淵閣大學士兼吏部^正尚書御營禮部
運轉銀印一顆文曰瞻奉南北山陵安定兵民文武便宜行
事恢復南京間部之印再賜旗牌十六面即各樞給勅書初
十日行朕躬御門親錢御營該部遵行特諭

栗免勒令夫馬以避駟因

勅上將巡撫吳春校選募健下精勤訓練曰上將閑係不戒閑
中河內朕方倚卿以肅河寇恟之任幸自勉旃以膺重賞新奉
兵糧准給各營例給

平 侯即足配用監國苗後四字詔改正之曰福京任二王為
居守卿以勲輔為苗後原無監國字而卿还将題奏文移始初
填註不可錯悞

隨征各官有當減者當降者命吏部尚書副提會同御營諸
臣校冊確擬奏奪

命丙廣撫臣丁魁楚隨時奉山陵輔臣欽此生往楚豫圖攻另
推其迷者

工 議撫臣職不可一柄丙撫然時阻多故惟有專轄五姓即陽撫
臣及南贛撫臣原有旧例不游撫臣共京汀漳是專屬惠潮

是旁屬潮州撫臣惠潮是惠屬漳南是旁屬亦古義所謂犬
專

牙相制之道也

罰田糧道刻尚祠万金以助兵餉復命都御史陶清溪校其素
行不得一毫含隱以廣懲貪功康廉之風尚祠有死灰復燃
之意故梁助云

賜松滋東會汧溪廷津四王春宴銀十兩

左都督楊勗細陳起義情緣 詔答之曰人君大板正在知
人善任人臣大義惟是勿欺至公朕久歷艱難稍識情偽朝
廷壞于朋黨祖廟由此兩危北京之失東林之罪何辭而都之

陷魏志之咎矣謝其餘門戶朕自萬古鑑衡以御天下楊
鼎卿父子戴朕甚早聞部臣馬士英朕必不負其捧主之心在
輔臣亦當痛悔其悞陷至安之失諸臣萬疏千章豈辱朕心公
論靖襄侯方固方固扼江干大功實在宗社朕今親征在還
日即與輔臣日臣相見未盡之情還俟面奏楊鼎卿父子
始終調睦以待王師之至云

勅諭御史部朕念遠臣問閏可憫楊文府文府素負清名可推
為兵科給事中文府之俊塞謬自任可擢為浙江道監察御史列鳴
風談部連、惟月一時魁傳作霖俱听輔臣現生題銜任用輔臣

振職忠誠侍任甚重再与定衛云其隨行并地方文武四品
以上題授五品以下任授後奏四品以上功罪奏行五品以下
功罪先行後奏之官自知府以下武官自副總以下不用命者
皆以賜劄從事速、给与勅諭必收一統全功特諭

功
泉奸細陳四望程陞發偽示偽票于御營并儀叙副總林明龍勝

勅請其後方國表一意恢抗閩部朱大典協力復職功成總屬慈
賞

時國安大典微有不和浙直左都督吳執力為調停以古康蘭

為以兵國恢復三是上疏陳其始末故有是初

兵部侍郎唐順悅奉命抵粵擒賊沿途撫散盜賊地方安靜慶吉
答之復命道臣湯來賀催解粵西餉銀十萬兩以脩軍儲

命憲臣陸清源充為正使致書魯王听其自擇一人為副時源清
有廣播王言之誦同登御製文及前彪魯王書稿三百冊親
征後詔御營勅諭三十冊賜示臣民以見朕無一日忘天下無
一念不為親之意

勅鎮臣崔芝以藏貯火藥火器授應左都督楊勳卿擇寇用毋得
目擊坐視以悞軍机時勳卿疏請築炮工以閑中所有俱載

在御營入浙不遠難以分發故勅准之就近應之

衛廣都督同知蔣若米道官迎駕上悅之給以勅書開防所領兵馬使朕出關調用

上駐蹕延津時有以遲出關者吏部主事曹元方一疏奉事須圖萬全意欲上之速行也荅之曰朕既統師啟行宜有僅至遲寧之理現今催趣將士到日即自先驅駐蹕金微還相機行

監軍兵科給事中張家玉安撫難民行各府州縣村落分理深為得法上嘉悅之著工部依家玉所進告示冊式刻板刷印可張吏兵二部選差能幹承差才官數十人齎送遺寇殘害處所

地方官通行帖布其腰牌以用正官印信以防詐偽

守閔大將施福解獲清兵偽官朱盛德一名工著法司速行審明
正法起泉州布衣蔡男到日召對御堂男有推等望氣之李曾
適歷邊塞言論纒々不窮府縣起文存之茲又以病錄故有是

詔

平定侯太夫人黃氏進五方旗幟金鼓統全 上受之不振

上喜左都督楊鼎卿因却魯藩令印曰若鼎卿者可謂忠義能明
大義定朕心魯王原無嫌疑前付柯曾二使臣啟答王書或未
之見乎

建甌兩縣交過銀一万兩定餉兩月每月二千三百四十兩平二
兩月共該四千六百八十兩外餘銀皆作家衣甲之需著撫
臣吳春枝給發回奏

勅諭郭嵒陳奏若正月十八日不親到建寧過了期限定正你軍
法不饒

按陳郭二將平夷與郭平夷同起豐沛郭既貴顯欲與不睦二將亦遠
遁海外茲平夷欲藉以守閩故屢言於上、特旨趣之

恰湖廣總督何騰蛟勅印詰查

時詰命奉明旨自隆武元年十二月二十日後請乞不給茲為

破格故特書之亦見上之隆爲大臣也

諭左都御史熊開元曰宣德達情全藉巡方御史近來情弊因仍
貪者工攫取傲者喜逢迎以致民官無告盜賊繁興殊可痛恨
卿還度訪詳諭務令激揚得法吏畏民懷有不稱職的即奏
重處

起擢重熙原官著其聯絡建昌侯事稍平即奏陞見以膺大用
吏部尚書曾搜首荐凌超以其才能可當一面命其速來迎駕
云超雖素有謀略但其原官贊畫應否即以監軍道起用須面
徵其底蘊方可破格擢用也

下游巡按御史高允茲疏陳閩南抽稅之害上以祿稅尽行停免
久有明旨下游宦齎乃敢私抽擾民法紀何在著允茲即受拿
正法以安旁民仍大張榜示曉諭毋忽

設立建言簿以收實益以壯敢言者之氣

從大學士熊開元之請以言官糾彈不避权貴事閩補表亦須
指陳故云

諭科道官糾儀導駕始兩京旧例行

上以孝陵未見疆土未復不受慶賀時京省俱有表箋大學士朱
德祚封進上曰覽諸表箋亦見歸誠之篤云

御營吏部尚書路選振飛進會陳義勇說 上曰此真安攘大器

書冊伯覽暇當為卿序之

詔授陳季孝監紀通判職銜昭曰在本鄉團練鄉兵

勅諭御營禮部速擇駕行日期即日具奏不許違悞

諭輔臣宋^道繼祚曰君臣一體雖小臣亦必加恩法自貴迹即大臣

亦從^道一朕天性忠厚愛諸臣以大休以康軀登極七月優禮

脩至乃始以堅卧之姿必待朝廷戎次溫旨如請伊葛之未至

到日又一等不展推護同彼毫無愛君之真情止存假恭之旧

例嗚呼高拱不作張居正已往朕今身任中興奉日不知所傳

深可痛傷者今日之情形則知世廟之於夏言神廟之於張位
烈廟之於劉鴻訓等皆務推全心之不得已也此次暫且從寬再若
因循推卸或以緊要軍事務推惟委之于中書或將緊急勅書不自
作自寫故意延遲要壞國事或當會要之案本不肯確議或當擔
當決斷之事上則推候聖裁下則推下部議凡有此等則三尺
具在祖宗大法朕必不敢私徇斷一必行尔等詳之慎之呼吸
死生大速不醒不得不如此行也又今內閣出入之間着將外
間連、度鎮要從川堂之門走動張鳴鳳連、遵行机務正繁
輔臣德璟還即日入覲不許延挨各該部科道官一體遵行毋

忽

按此諭脩駕輔臣奏望推諉情急可謂要言不繁矣

禁立生祠

時天興府貢生鄭猷可獻諫以上實心愛民請立生祠以紀祝方

考詔責之曰朕紹大統七序祖陵不見疆上不復臣子因循不

能變百姓湯火不能撥擢朕之髮不足數朕之罪惟此一念身

殉太祖天東地臨之自登極八閩上無血性擔當之倖下無愛民

如子之臣出鉤之徵累我百姓朕實痛心有何功德而作此無

妄建祠之事且即中興一統亦斷不容表心文貳剝了民財還受

設獻生祠之事鄭獻可連一停止無重累吾民增朕之罪過御
旨該部速行文與該撫按傳示

周姓功成領兵出大定關兵科給事中陳履貞監定清侯鄭鴻達
軍抵衢州界上各有溫旨答之

命戶部主事李日輝催建二府借助銀張調鼎催汀邵二府借
銀助兩如不破情面失誤軍机各有預罰

江西巡撫都御史徐世蔭上疏迎駕并請面奏上許之復答云
逆寇猖狂廣信地重著且料理堵剿朕今暫住建寧不時即要
出閱即行建牙處召对

掌河南道御史謝紹芬奉命出撫浦城極言營額即得之旨上
云此事深可痛恨一處如此他處何知以後勘合馬牌折宜少
祭如有給別恭遊守犯及假扮官兵擾害人民者許地方拿解
該撫按正法榜示通衢以戒違守

諭巡閱御史鄭為虹不得因_人言推諉開發即着前往仙霞巡防
王兆熊叅列事情該撫一并處公奏奪毋得徇徇

催陳元榜張晉徵各領卒標兵下飛守信地

命百官具百服赴松溪王府捧迎太祖聖容步行至朝門外俟朕
迎入行在

封廣東總督丁魁楚平粵伯准與世襲頒給鐵券

時靖江王楷妄自立不奉正朔復任用幸臣顧奕吳之琮楊國
威張龍翼等羽翼肆行魁楚用計擒獲并顧奕吳送至行在又
復昭護宗室賑貧宥詔褒異之曰知調度兵將悉合机宜武
功甚速朕心嘉悅立頒殊賞靖底悖逆自有祖宗法在非朕得
私亨欽冊命冕服資送維艱已命製鑄道廣而試臣陳天定林
明吳帶差行礼頒行了上司故罪加恩肯從文武一察寬宥及
雪濟殘雪宗民俱必前旨行其從逆顧奕等使解列正法惠潮
寇警已着唐顯悅同地方官收勒與卿共夾攻之以收底定之

功

賜閩賊党却搠旗名曰永忠

時閩賊李自成爲清所迫走居鄆地風霾警之又遁入九宮山
餘党十萬悉爲伏兵所誅自成自刎湖廣總督何騰蛟疏聞以
搠旗有指視之功故特以永忠之名賜之俾知犯上者必正天
誅云

擒偽官假兵李養心等一十八名審明正法

詔寬魏璫一案後娼璫宋禎漢原官

詔曰娼璫一案止因議論偏苛遂致人心不服釀成党局一平

丙陷京都莫不禍根於此朕今繼統中興一洗從前隔習東林
悞陷北京宋免陷悞南京厥罪惟均乃先後之間差予攸在朕以
至公待天下宋禎漢准復原官賜榮一壇此後真正親黨亦
一槩滌寬但責後效不計已往蓋中興之時事清臣民悔過且
與維新况輕于此者乎廷臣各宜以朕之心為心勿再釀激黃
澍等鼓煽左變之大害朕度如天諸臣欽信云
詔加福建鄉試奉人十名以為中興新恩流寓亦准酌量增加
時上銳意文事欲是年首開鄉試夷侯却乏龍以兵興通貢
賓興之典宜少暫停語甚剴切上不從以御鄉試不宜改期

失信且文事武備原是一條云

翰林院編脩周之憂乞監軍討賊振固自効上初不允以儒臣自有專職詔詰方資撰述豈得復事戎行然亦足見其忠壯後乃加兵科職銜

允雷廉叅將却乏免開採楊苗地方沙金不得生事騷擾反滋民害

催陳秀兵一千名督發前來不可在汀就近調發并漳州召募一千員名著平夷侯却乏允催齊速至朕處待二處兵到便可出

聞云

召夷早夷侯鄭芝元至行在面議軍務曰朕親征勦清寧歎慨親
祖義不容緩至于固守閑隘動出萬全乃宗社大計已有旨召
卿至望即到以慰懸佇

諭定清侯鄭鴻達卿所統兵出關已久何云赴關防勦以後塘報
還開明于某地方接到宸朝廷使于某處若清之聲東擊西使
情已自可見卿宜著意料理

勅永勝伯鄭策策勵將士以收榆效

時案已失律敗師又思以鄉勇借題上疏言發銀二千六百兩
分給聯絡義師以保守禦上以此固是應急一著但鄉勇只

可借為聲援其銜鋒討敵還須官兵

復勅案開造現在兵數冊并分首從銜鋒四等以便給餉還首
策勵圖功固守閑隘果建恢復之績自還世襲之封賞罰人主
之大权朕方痛自刻責至公無私并罰內外諸臣宜為御一人
而行其法耶時案已奉削去世襲之旨故云

差兵部試主事汪沐日到衢州聯絡官紳士民堵禦清掃以待王
師曰朕昨臨建水指日出關以恢復杭徽為急著汪沐日文而
能此為輔臣德環所保存自有良算到衢日宣諭朕倚此至意
著有顯效必加峻擢

勅兩浙撫按朕用兵方亟邊餉自難遽竭者始曰徵收但不得別
立加派名色致累窮民

勅江西撫臣劉廣胤兵科都給事曾應選招撫閩寇

時間閩寇四股待撫日久朝廷議論不一應選以為言故勅廣胤
同應選公細商酌加意料理以資勦堵務要操縱得宜得一意
撲誠實為我用若克復南昌之功業有世封之命朕信如日必
不食言

勅益陽王連還戾州

時因奏益陽王奢卒至衛並未奏啟故勅其連還以明恭順

擢原兵部主事李遵為金衛巡撫墨衣從戎

時李遵疏陳衛地顯患并懇辭就職上以為巡撫之擢出朕欽
受不許再辭看即墨衣供職以消除廣曹氣又諭之曰三衛為八
閩咽喉要地豈堪顯患隱憂叢集于內且時遇至艱更得好官
為急安得縣哉妄用吏員總之于今時之官必仁以恤民智以奉
兵勇于禦敵剛以不撓始為合格李遵素饒幹濟方今倚任甚
隆衛為要地撫為重臣還着加意擔當安民治兵以俟六飛即

至面諭方略

復曰輔臣張居正原倭錦衣衛指揮世襲

太常寺少卿楊芳和改署銓司陳六議一曰端本源二曰慎名器
三曰重守令四曰行久任五曰專咨訪六曰戾部覆上嘉納
之

諭定清使鄭鴻達曰逆兵狡詐多端恨我戰守無當始則境內坐
糜今復信訛撤轉不但天下何覓抑且万世遺耻自古唇齒之
喻未有不能守於閩外而能守於閩內者杜還者用將選兵出守
江山并令郭燾速到領兵將官林壯猷連同陳昂于閩上會同
輔臣振飛等確議遣發戾保江山聯援金衢然後督守閩隘又
不可阻急振而隔遠臣

降鄧鴻達一級改太師為少師

時回黃克輝敗績故有是命

^賜輔臣路振飛陰一子錦衣衛正千戶世襲

振飛撫淮時逆寇交訐振飛有保淮之功萬民交頌之上通
淮得_子見且有旧德故特隆寵命以示非私也

撫鎮臣劉承胤所領兵將并表裏白金賜之

手勅云屢得卿奏深加忠功朕今親征暫降建水特着奉陵輔
臣領銀一百兩表裏四疋并交度州橋稅一千兩撫卿兵將道
遠費之不易至可領也朕荅魯王書并元旦勅諭善為宣示及

雲貴恩詔倭卿代領一面迎駕一面力復江京具具于明詔
朕不食言特諭

錦衣衛承旨張鳴鳳疏荐禁旅都司食書加三級胡工琛文武兼
優江右之後請与偕行 上允之

手勅楚督定與伯何勝欽賜資甚厚

勅曰國運中微朕勉繼統雲龍風虎舍卿其誰今朕親征暫駐
建水先遣輔臣蘇覲生瞻奉山陵宣安兵将与卿同心先復江
省繼靖南京并撫鎮劉燦承等復江省者世封伯復南京者世
封公復北京者封真王具如明詔卿其勉之先遣精甲一万迎

朕湖東恤民庫發朕賜銀二伯兩共銀八千輔臣順實立可領也發銀二千兩犒御標兵各將路遠莫致石准于度州橋稅速發行時卿功成與卿今年金陵握手勦之亮之特諭

人諭云楚粵雲貴近有吳聞卿可以挽天無二日之義以全朕骨肉之情尤所殷望

新擢科臣吳聞禮為上游巡撫都御史准于街上加便宜行事四字以重事權

提學御史毛恂恭繳進同鄉各臣書疏上讀畢感痛云江南士紳無人不洒涕思明托戈待卒朕必親提黃鉞張皇六師以慰

臣民之望大小文武當時：刻勵前志毋致偏安

建寧知府周維新疏言王師至止建民輸將最苦不堪屢應他求

上詳之

降巡視中城御史沈佺期一級以戒愛躁

時閩侯二縣知縣劉霖慙朱統錯調繁未久佺期疏薦之上以
賞罰於人主至公抑競獎恬御世大道霖慙統錯雖有薄勞
豈可以縣署為傳會為二臣陳請者皆是情面賄賂之節習亦
是以競引競之惡追簿以降級示懲如再有數飾之行重處去
召刑部侍郎劉若金至御營高領刑部事兼管左副都御史即來

賜對供職

刑部總務司員外郎達若報解施燬贓銀一千零三十餘兩者恤
民庫察收

按施燬之獄以達若成而施燬之贓亦責達若完七千而始解
一千後來之追比當必有波反無辜者矣

命輔臣撰御榜沿途張掛某官兵燬害民家

時刑科給事中劉顯柱言寧紹官兵沿途騷擾民不聊生急宜
禁止 上以朕決計親征先收現在之民欲殺害民之寇豈有
搜兵無紀成此慘傷兵額不由于天子兵數不報于本部兵餉

不由于司農人害旬縱而憐拘簡致民不自斃禍及國家江北
各鎮近鑒甚明可不知改今親我在途第一痛心此事除前不
究外今先著御營兵部行文該撫將嚴行榜示有犯必懲繼以
御榜張掛以救民生江上將士近勉勵忠義迅圖戡異副朕除
暴救民至意

勒下遊巡按御史高允茲於汀州府屬練土著兵三千以補客兵
原數務期有舊知方會同該撫募練有緒即行回奏云

免汀州府屬縣借取有差

時汀州偏殘已甚寇盜日滋連年用兵瘠薄可念又欲行借助

之法下游按臣高允恭以為言故武平准全免長汀清流歸化
准免其半上抗永定寧化連城准寬至三月以示優恤

初加永定知縣徐可久戶部主事銜遇要緊道缺准用以其新任
地方即能奮勇定變是見偉略也

永定在萬山中原割自上抗一隅之地兵餉兩乏可久自藩平
度寇後多方撫綏草去從前陋習開布血誠以真五里彈丸之地
勸諭輸助銀五千二百兩有奇又為地方陳切要六款故屢邀

溫旨云

封琳漢為陳世子

琳漢今上胞姪追封鄧王韋鎬長子生于崇禎四年六歲時
即過今上蒙難相別已久其父王殉難盡節于南陽謚曰愍
即曰陳愍王今卿營具冊字冠服臨期傳制冊立以展親之
義隨令隨征尽侍膳問安之礼且令中書官月世子作講讀導
以礼仪

諭督勦蜀寇兵部尚書王應熊輔佐密勿重任出總軍旅原非常
之艱難托非常之親信當使万里之外宛如咫尺綸靡朕以臣
民擁戴繼統危微倚卿元老如身有臂祖宗疆宇凡有未復即
朕躬之有罪亦者輔之深羞朕或用人行政之不善卿當有聞

即告況四川為卿之京梓朕之版圖大小文武奉用自然一以
委卿一切軍民机務即候卿便宜

四川督師王應熊疏陳西南形勢 上手勅答云覽卿奏詳陳興
復次第天下形勢朕意豁然深嘉卿石畫朕自慙虛薄何能負
荷多難但稍秉仁孝之性切勵除害之誠一誓清孝陵二誓葵
烈廟三誓迎圣安半載恨無寸功親征暫遲逮水天以元老苗
輔朕躬將以中興全功托卿豈但西南倚賴鈎濟維艱朕必從
長力行接轡朝廷時切兵行糧從之籌卿亦預申老師運財之
戒工下交警不日成功矣切望切望

改上堵仇錫為副御史巡撫湖廣賜以勝銀百兩表裏四端手
勅褒譽之并諭以陳可立謀舉建為匡正之以明天無二日之
義

勅江西輔臣楊廷麟督臣萬元吉同臣曾應遠陳泰來速倫兵迎
駕曰朕親征暫駐建水御營兵力未充必俟卿等迎駕陳望兵
宜速至湖東朕惟待卿等兵至方可出關盼望甚切卿等速與
輔臣觀生議行或楚粵兵將來迎亦可先還具奏以慰朕心答
奏王書元旦勅諭可善宣布

手勅輔臣蘇觀生曰朕以卿與楚督定與伯何騰蛟為左右兩臂

卿兩人必無一毫矛盾百事一德一心以釋朕慮以佐中興而
美必合須防宵小交搆戒之記之逆賊李自成之死督臣確報
可憑人傳李賊在于北殺魯雖不足信尚待卿同督臣再有奏
到據好告病宣捷定與伯即先發一顆與督臣差官順貴恐有
不到故今另鈔托卿再覈欽承仍有七省左右將軍即信二顆
順貴與却承忠張先登恭受再給楚督臣撫臣勅各一道委其
與卿協力復南昌復南京速遣勁兵一萬來湖東迎駕望
南貴州詔尚未頒到卿可領去再為順頌恤民庫賜卿路費三
百兩行鈔三千兩卿其欽承一切便宜不可一毫推托一力擔

當功成重報

勅蜀督撫閣部臣王應熊善視姚黃諸寇

時應熊上疏言恢復蜀中各郡縣 上答云卿力恢復敗封疆
屢勝猖逆寇用餉僅十五萬不取空城偽印為功從前復京
獎瑞賴我元良一洗腥志剗乎天下聞此大慰於心至獻賊之
殘忍手歟數十萬生靈朕實不勝痛憤若不速救斯民何顏對
我 太祖望卿力仕平賊朕必有請立應至于桂黃諸寇罪原
輕于獻賊卿還善用戎索俾為我用若能以擒平獻釋逆賞功
必不失信卿以不殺止殺圖机出之仁惻尤足嘉悅

兩廣總督丁魁楚辭封伯爵 上不允曰朕當艱危繼統全賴閣
粵合濟中興卿有開撥擁戴之大忠又有迅平逆寇之巨績王
守仁當全盛之時無推奉之事以卿比之功實為過世伯之額
卿當飲受乃奏引四咎愈見奇勲若不拜表擒逆高廟神靈何
倚况朕統緒早載寸功未立倚卿在如臂護身還宜勉奉恩綸
仍舊督理俟朕得拜孝陵另勅召卿入覲誓與中興君臣始終
言出真切不可再辭負朕激望至意

紫雲山禪寺僧宗德聚衆建醮誦諸天菩薩寶號

按今上嗜心愛民不欲徵福此舉視隋之捨身唐之迎佛骨遠

笑

詔改福京都察院署為唐王府

王初居北門以病改今所

大理寺少卿熊化疏請恢復之策必先省定江西且列陳闕外急

著上曰恢復始江西自是正著但随机應變亦唯執定一局

其錫璽書與永寧提閫羅家等以官職俱已行了至批答咨度

二事閩切朕躬朕深加納條陳泛濫布與得官寔效同聞徒開

倖竇俱近日獎習允當一、裁汰熊化老成沉靜無黨無偏朕

所手鑒

川陝總督樊一銜遣官入賀 上答之云太祖御沐之天下兩都
武致三僕而有今日朕勉答群請總統艱危全賴內外臣工洗
心寔做痛祖宗多年功德在人幸彛寇規模全是草竊但我君
臣當尽改更轍打越精神寔一愛民寔一治兵人心天意與援
可必樊一銜才名久著万里投誠亟當勉佐中興与雲臺_{之例}

云角

廣西梧州府兵火初寧詔補所缺正印官以撫循之

詔天吳府添設管轄通判一員

上聞_聞既寧縣知縣趙庚所陳政事疏曰趙庚此疏言兵言將言餉

言戰守包括已盡即可為今日開疆禦侮之要者下部看議若
實奉行毋忽

加林寧兵部尚書銜致仕吏部尚書曾穆存

其年德俱懋

以張夫為戶部侍郎專管錢法

手勅廣督平粵伯丁魁楚按臣王化澄鎮臣周仕鳳朕因兵力未
厚致稽出關卿等仍昭前旨募兵五千不可為浮議疑阻再召
狼兵七千七千之兵俱准大銷正項糧餉三月之內朕要見卿
之兵到仍命大將周仕鳳督至御營隨駕征勦朕親至度入楚
以收天下全局卿其力贊成功焉

按 今上与各督撫手勅俱慘、出聞其倚賴之意錫然言表惜

無有應之者遂令偏安之業亦不可成真臣負君矣惜哉

欽命

新例兵將文冊付平粵伯丁魁楚

一節貫二年貌三武聖四隊伍保結一移兵部一進

御覽

勅丙廣事例銀五萬兩付定興伯何騰蛟為收拾降兵取江克京

之用

聯絡恢勦兵部尚書楊廷麟疏留粵餉以脩大兵上以粵餉為御

宮急需萬不可留但今御勦事方殷量留五萬湊前五萬以成

勦局速立復江省以迓乘輿餘從地方恢復勦走正項并行動

輸酌用

二月

戶部左侍郎李長情上言親征需餉宜開加納事例

上從之康生加貢納銀一百五十兩增廣加貢納銀二百兩附
季加貢納銀三百兩青衣加貢納銀三百五十兩社生
加貢納銀四百兩

賜大李士蔣德環乘馬一疋

以其老成曰臣綸靡侍望兩辭不允其亦晉康侯錫馬薦賔畫
日三接之風乎

鎮海平和二縣亂民借題振復聚衆殺人下游巡撫劉柱國解散

之上以小民果有冤情何不申理詎管衙門乃敢橫行無忌殊干法紀著下游撫臣同潮撫嚴行禁戢以安地方

上月初九日夜兩電大如拳敵擊憲問有聲聞地數十年一見

孟陽王松授縣官詔禁之曰國家敦厚懿親自有典制朕復天性

罵受宗枝王借受慈福之命又借勲鎮方固安之推奉迎近日表

奏雖來公然用監國之寶不知此寶授自何人輔勲士英固安

疏王今來甚明朕正不必顯示乃到處騷擾妄行升授亦為有

過從聞播害龍游民苦不堪又聞遂昌尤碍法紀著地方撫按

官速止王回慶以明大義

初平^夷侯鄭芝^三永安關隘甚多何可無兵扼守所需兵冊何
將為近何將為遠還著察明以便立限水師船隻百隻未足搗
巢必須即行修造毋忽

勒行在兵部速發兵三千應援衛州

時戾州告急三冊震鄰督輔黃鳴俊入告故有足奉
都督同知郭燭疏請糧餉器械若行在戶工二部給發

勅廣州道臣董振秀將十縣糧餉分給軍前

以鹿水青田縉雲平陽景寧五縣餉銀給勲臣劉孔昭募兵將
以龍泉遂昌嵩陽
五縣餉銀給督臣楊文驤募兵將

時二臣互有事批復手勅与之曰師飽在餉師克在和與其同
餉而涉於爭不如分餉而歸于和今後兩臣同心協復再勿爭
競其兵馬五款三等冊籍限四十日內造進過期不至造報不
實者停糧記過臣近聞年荒餉急民因難走仍將民糧分限催徵
以息民力兩俱不許差人至縣辱官虐民違者亦不許走糧仍
著該管官具疏奏奏云、

按此勅洞悉官箴民隱其策勵二臣之意漏然可見